



Anders Olsen
Inatsisartunut Ilaasortaq,
Siumut

§ 37 apeqqut nr. 36 "National Stadion" pillugu Inatsisartunut ilaasortap Anders Olsen-ip apeqqutaanut akissut

01-02-2017
Sagsnr. 2017 - 1492
Dok. nr. 4463876

Asasara Anders Olsen,

Qujanaq Nunatsinni "National Stadion" pillugu, apeqquteqaatinnut

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

1) Nunatta inuiattut timersornikkut unammersuarterfissaanik qulisamik "National Stadion"-imik pilersitsinissaq siunertaralugu suliaassat tulliiit suut Naalakkersuisut pilersaarutigaa?

Akissut: Siullermik malugeqquneqassaaq, apeqqutip kalaallisuaa danskisuaanik allaanerussuteqarmat. Kalaallisuuani apeqqut paasineqarsinnaavoq Stadioneq qulisaq apeqqutigineqartoq, danskisuaanilu paasineqarsinnaalluni stadioneq affarmik qulisaq apeqqutigineqartoq. Apeqqutit taakkua kalaallisuaa tunngavigalugu akissuteqarpunga.

Aningaasanut inatsit akuerineqartoq malillugu Naalakkersuisut aningaasaqarnikkut sinaakkutini maannakkut atuuttuni, pilersaaruteqanngillat unammersuarterfissamik qulisamik imaluunniit affarmik qulisamik "National Stadion"-imik pilersitsinissamik.

Naalakkersuisut unammersuarterfissamik qulisamik National Stadionimik, unammisutitut assigiinngitsunut kiisalu aaqqissukkanut allanut atorsinnaasumik, suliniutissatut pilersaarummik suliaqaqqullugit Inatsisartut aalajangernerisa kingorna, Nunatta Timersortarfiata suliniutiginnissaanut pilersaarummik suliaqartitsinikuupput, Taannalu suliniuteqarnissamut pilersaarut Inatsisartunut 3. November 2016 nassiuunneqareerluni.

2) National Stadionip pilersinneqarnissaanut aningaasaleeriaatsit periarfissaasut arlariit pilersaarummi saqqummiunneqartut eqqarsaatigalugit, Naalakkersuisut aningaasalersueriaaseq qanormita ittoq atussallugu tulluarnerusutut isigaat?

Akissut: Naalakkersuisut Inatsisartunit pisinnaatitaaffilerneqarnikuunngillat National Stadioniliornissamik, taamaammat pilersitsinissamut aningaasaleeriaaseq sorleq atorqeqassanersoq misissorneqarnikuunngilaq. Pilersitsinissamulli pilersaarusiame, pilersitsinissamut aningaasaleeriaatsit assigiinngitsut allaaserineqarnikuupput, National Stadionimik pilersitsisoqassappat eqqarsaatersuutigineqarsinnaasunik.

Suliaq taama annertutigisoq pisortanit aningaasalersorneqarsinnaanngilaq, susassaarfiiit allat pisariaqartitsisut aningaasalersorneri allatut tullerriaartinnagit. Aningaasaleeriaaseq alla avataaniit aningaasaleeriaaseq, soorlu aningaasaateqarfinnut qinnuteqarneq, pisariaqalersinnaavoq, "National Stadion"-imik pilersitsinissamik aalajangertoqarpat.

3) National Stadionip sumi inissisimanissaa eqqarsaatigalugu Naalakkersuisut qanormita isumaliutersuuteqarpat?

Akissut: Suliniutiginninnissamut pilersaarummi Naalackersuisut isummerfigisaannut ilaapput, FIFAp unammersuaartarfiliornissamut piumasaqaataat pilersaarusiame eqqumaffigineqartut, taamatuttaaq sanaartornissamut sunniuteqaataasussat allat eqqumaffigineqarlutik. Suliniutiginninnissamut pilersaarusiame misissuinerit takutippaat, illoqarfiit marluk taamaallaat pilersitsinissamut piumasaqaatinut assigiinngitsunut tulluuttuusut, tassalu Nuuk aamma Ilulissat, immikkut attaveqaqatigiinnikkut atugassanik sanaartornikkut pisariaqartitsiviunngitsutut nalilerneqarsimmata.

Inussiarnersumik inuulluaqqusilluta



Doris Jakobsen